

DISSERTATIO INAUGURALIS CHIRURGICA,
DE
ANEURYSMATE,

Q V A M,

AUSPICE DEO PROPITIO,

Et Consensu atque Auctoritate Gratiſſe Facultatis Medicæ,

IN ALMA REGIA FRIDERICIANA,

P R Æ S I D E

DN. D. MICHAELE ALBERTI,

SACR. MAJEST. REG. BORUSSIÆ AULICO ET CONSISTORII MAGDE-
BURG. CONSILIARIO, MEDICINÆ ET PHILOSOPHIÆ NATURALIS

PROFESSORE PUBLICO ORDINARIO, ETC.

FACULTATIS MEDICÆ DECANO SPECTATISSIMO,

Domino Patrono, Præceptore ac Promotore suo, omni honoris cultu prosequendo,

PRO GRADU DOCTORIS,

SUMMISQVE IN MEDICINA HONORIBUS ET PRIVILEGIIS
DOCTORALIBUS LEGITIME IMPETRANDIS,

HORIS LOCOQVE CONSUEVIS,

ANNO MDCCXXV. D. XXII. DECEMBR.

PUBLICAE AC PLACIDAE ERUDITORUM VENTILATIONI SUBJICIET

AUCTOR ET RESPONDENS,

GOTTLIEB WIPERTUS LYSTHENIVS,

MAGDEBURGICUS.



HALÆ MAGDEBURGICÆ,

Typis IOANNIS CHRISTIANI HENDELII, Acad. Typogr.

VIRO

PRÆNOBILISSIMO ATQUE EXPERI-
ENTISSIMO DOMINO

DOMINO

ERNESTO CONRADO
HOLTZENDORF,

SACR. REG. MAJEST. BORUSSICAE
CHIRURGO PRIMARIO,
RERUM CHIRURGICARUM,
IN EXERCITU,

ET

TERRIS BORUSSO-BRANDENBURGICIS,
DIRECTORI GENERALI,

LEGIONIS PRIMÆ REGIÆ

CHIRURGO PRINCIPI,

COLLEGI MEDICI SUPREMI,

ET

SOCIETATIS REGIÆ BEROLINENSIS

SOCIO.

PATRONO ET FAUTORI
OMNI OBSERVANTIA COLENDO
FELICITATEM PERPETUAM!

VIR PRÆNOBILISSE
ET EXPERIENTISSE,

Nihil splendidius, & ad omnium seculo-
rum commendationem magnificen-
tius esse potest, quam POTENTIS-
SIMI NOSTRI REGIS, PATRIÆ
PATRIS, cura & vigilantia, qua, ut reliquis
subditorum utilitatibus & opportunitati-
bus, sic & illorum sanitati consulere in ani-
mum induxit. *Artem enim salutarem pri-
stino*

stino splendori reddere, a perditissimorum
hominum proterva licentia vindicare, qui
profunda ignorantia & nefanda temeritate
in aliorum vitam & sanitatem grassantur,
ipfasque artes Apollineas magnis sumptibus,
missis, undique, qui illas discerent, arcessere,
apud nos fovere & REGIA prorsus munifi-
centia tueri, Summo Principi antiquissimum
visum fuit. Per Universam enim fere Euro-
pam celebratur Collegium Medicum, quod
Berolini floret & novum Tantoque Princi-
pe dignum institutum, quo incognitæ vel
non satis apud nos excultæ disciplinæ artes-
que docentur, omniumque oculis exponun-
tur ad exterorum etiam invidiam, qui ipsi
his novis progressibus invitantur. Egregia
tamen & prorsus divina sapientia AUGU-
STISSIMI REGIS tamquam lumen aliquod,
extinctis ceteris, in eo elucet, quod Viros præ-
stantissimos, omni liberali doctrina, rerum-
que agendarum peritia instructos IPSE sele-
gerit, quibus vel docendi, vel omnia, num
ex Ejus Voluntate fiant, observandi munus
demandaretur. Hoc etiam consilio factum
esse gaudemus, quod TU, *VIR PRÆNOBILISSI-*
ME, rerum Chirurgicarum per omnes pro-

vincias, exercitusque curæ fueris præpositus, cum illæ res summis subinde difficultatibus implicitaë & de salute hominum decernentes talem Antistitem poscerent, qui his studiis innutritus præclaram scientiam longo & vario usu confirmaverat. TIBI ideoque has pagellas deberi existimavi, quæ *Chirurgicam Aneurysmatis* arduam, ut nosti, sed rudi forte Minerva a me descriptam exponunt & hinc TUO inprimis examini submitti debent. Valde lætabor, si in TE illæ æquum benevolumque judicem obtinuerint, ego vero Patronum, quem nunquam non suspiciam, invenero. Vale!

NOMINIS TUI PRÆ- NOBILISSIMI

cultor perpetuus

GOTTLIEB WIPERTUS LYSTHENIUS.



PROOEMIUM.



Nnumera quidem morbosorum adfectuum genera sunt, quæ hominibus interitum minantur; inter graviora tamen & intricatiora, quædam singulari nocendi dispositione prædita inveniuntur, ut artis etiam peritissimorum conamina quandoque eludant. Ejusmodi generis adfectus tam Medicina, quam Chirurgia suppeditat tam arduos, tamque copiosos, ut quotidie fere occurrant talia & Medicorum & Chirurgorum scandala, quæ fusius jam enarrare supervacaneum foret. Si quis autem medici consilio ac chirurgicis manibus tractandus affectus & consilii justæ celeritatem & auxilii præsentis dextram applicationem unquam efflagitavit, sane fuit illa gravis & fontica Arteriarum læsio, quæ Aneurysma dicitur, cui, nisi prompta & perita manus accedat, miseri eodem afflictæ non raro, experientia teste, una
cum

cum sanguine animam emittunt. Veritatem hujus asserti varii passim confirmant auctores; inter quos vero seligere placet *Job. Jac. Harderum*, qui in *Apiarii observ. LXXXVI. pag. 324.* dicit: *felicem Aneurysmatis exitum pauci viderunt, adeo agre ferunt arteriæ habenas sibi injici; nec non Thom. Bartholinum*, qui in *Epist. Med. LIV. Cent. III.* ingenue fatetur: *Se DEum precari solitum, ut hujusmodi casus vel avertat, vel Curæ suæ subtrahat.* Hujus ergo rei gravitas ac summa necessitas me permoverunt, cum mihi injunctum fuerit speciminis loco aliquod thema elaborare, ut hoc potissimum seligerem, inprimis cum mihi aliquoties data fuerit occasio hunc affectum in Nosocomiis paulo studiosius examinandi. Periculum itaque pro ingenii facturus viribus, ita in hujus morbi historia versabor, ut non tam novitate & rerum prorsus insolitarum commemoratione, quam succincta & accurata ejus descriptione, & methodi, qua illum affectum sanatum vidi, expositione fida placere possim. Quamvis enim multa hac de re jam memoriæ prodita sint, ut sic crambem bis coctam apposuisse videar: certus tamen sum, multa a multis esse proposita, quæ rationi & experientiæ prorsus contrariantur, me vero nihil approbasse, quam utrique consentanea, hisque nonnulla addidisse, quæ in aliis haud relata leguntur. DEus autem vitæ ac salutis nostræ Auctor huic etiam meo conamini, vitam ac sanitatem respicienti, benignissime adsit, ut ejus præcipue Summi Numinis gloria aliarumque salus inde promoveatur.

§. I.

Aneurysmatis cognitio variorum auctorum descriptione adeo familiaris reddita est, ut hospes ille plane in re medica ac chirurgica habeatur, qui illam ignorat: ut tamen ordini & mori recepto quadentenus satisfaciam, statim sub auspicio de ipsa denominatione quædam monenda erunt.

§. II.

Derivatur autem Aneurysma ἀπὸ τοῦ ἀνεγείναι, quod significat dilatare, hinc in latiori sensu a quibusdam pro qualibet vasis, sive arteriosi, sive venosi, dilatatione sumitur. Specialiori vero sensu per Aneurysma intelligitur: *Tumor præternaturalis, plus minus pulsans, vel a tunicarum arteriæ a sanguine facta dilatatione, vel ab hujus ex læsa arteria, effluvio & in partes vicinas extravasatione, ortus.* Cum autem sedes Aneurysmatis posita sit in arteria, de hujus structura ex anatomicis pauca præmittenda sunt.

§. III.

Est vero Arteria canalis ramosus, qui, dum sensim ac sensim angustatur, conicæ figuræ existit, quo sanguinis massa, præcipue cum laudabili lymphâ remixta, a corde ad omnes corporis partes vehitur. Componitur ex variis membranis, seu dictis tunicis, sibi invicem incumbentibus, de quarum tamen indole & numero adhuc inter anatomicos disputatur. *Vid. Morgagni Advers. Anatom. P. II. pag. 77.* Exterior propter vasculorum sanguiferorum eam percurrentium multitudinem *vasculosa* dicitur. Huic subjacet altera, quæ *glandulosa* nonnullis habetur & ab extremitatibus dictorum vasculorum oritur. Ubi quidem multis illas controversias agitare nolo, quibus hætenus inter Celeberrimos Anatomicos disputatum fuit, num tales glandulæ veræ dici mereantur.

B

Vid.

Vid. Epist. Celeberr. Bærhaven ad Celeberr. Ruysch. hujusque *Responsionem de Fabrica glandularum in corpore humano.* Anno M DCC XXII. editas. Inter has recentiores & inprimis *Ruyschius* aliam collocant, quam *Cellulosam* dicunt, ex cellulis oleoso humore repletis eundem in modum contextam, quo tunica adiposa in reliquo corpore conspicitur, quæ etiam ideo multum dilataripotest. Hæc vero in obesioribus inprimis animalibus in sensus incurrit. *Vid. Ruysch. Thesaur. Anat. VI. p. 10., Mangeti Theatr. Anatom. L. I. cap. VII. p. 192. & Morgagni c. l.* Sequitur quarta, *Musculosa* dicta, eximio præ reliquis robore prædita, quæ ex duplici fibrarum serie constat. Exterior & densior composita est ex fibris annularibus, (*Vid. Morgagni Advers. Anatom. P. II. animad. XXXVIII. p. 78.*) quarum etiam plura strata sibi incumbunt & tunicæ hujus maximam partem constituunt. Interiores fibræ tenuiores ad longitudinem decurrunt & ab annularibus harumque membrana tendinea oriri videntur. Hac tunica fortior sanguinis, mediante systole cordis, propulsi impetus cohibetur.

§. IV.

Ex supra data Aneurysmatis generaliori descriptione & ex hac arteriarum structura facile nunc patescit, illud duplex esse, quod etiam Chirurghi in *Verum & Spurium* distinguere solent. *Verum* Aneurysma est tumor in ramo arteriæ ortus, qui vel totus nimium expansus est, vel saltem sua aliqua parte & tunica. Ut plurimum enim tunica musculosa a sanguine distenditur, læsis exterioribus, aliquando etiam exterior vasculosa & cellulosa, post læsam musculosam internam, quod posterius rarius contingit. Cognoscitur vero ex tumore magis elevato, æquali, molli, digitis comprimentibus cedente, inprimis ex pulsu arteriæ fortiori, nec etiam color in hoc variatur.

§. V.

§. V.

Spurium est tumor talis sanguineus ex sauciata & per-
tusa arteria ortus, ex cujus vulnere sanguis in partes vici-
nas effunditur. In hoc tumor est durus, inæqualis, livi-
dus, atri sæpe coloris & dolens. Pulsus vero in eo vel
prorsus nullus, v. *Ruysch. observ. anat. obs. 38.*, vel obscu-
rus deprehenditur & potius susurrus ac strepitus, ab inæ-
quali circulo ortus. Facile etiam sanguis extravasatus
stagnans in stasin ac putredinem ruit, ut eo partes spha-
celo corripiantur.

§. VI.

Movetur a Curiosis quæstio, cur in Aneurysmate
Vero pulsus exquisitior ac in spurio observetur, cum tamen
in hoc sanguis cuti propior, in illo vero remotior exi-
stat. Putaverunt quidam rationem in sanguinis *qualita-
te*, vel spissiori vel tenuiori esse quærendam, quæ qui-
dem ratio non omnino rejicienda, cum in spurio sanguis
extravasatus coaguletur & quasi lamellatim sibi impositus
videatur, quo pulsus facile cohibetur & obscurior fit: sed
notandæ mihi quoque illæ partes videntur, quibus A-
neurysma includitur. Notum est anatomix cultoribus,
fibras circulares vel annulares arteriarum insigni robore
pollere, ac quadam *elasticitate*, qua sanguinis *impetus* co-
ercetur. Quando igitur hæc tunica *aliis* disruptis aut di-
scissis dilatatur & sic elatere suo destituitur, sanguinis *im-
pulsus* arteriæ renisum superat, hinc motus pulsatorius cor-
dis in arteria continuatus nulla impeditur resistentia &
facile ac exquisite partibus adjacentibus communicari
potest, testimonio arteriarum Cerebri delicatioribus tu-
nicis contextarum, quarum pulsatio evidentissima est, ut
ipsam etiam cerebro communicent. Longe aliter pla-
ne se res in Aneurysmate spurio habet, præcipue inve-
terato, cujus cum tempore sacculus ita indurefcit, ut car-
tilagineam nonnunquam induat naturam; præterea san-

guis in hoc extra arteriam est constitutus, quare nec mirum est & pulsum esse obscuriorem & sanguinem spissorem.

§. VII.

His igitur perspectis non opus erit Diagnosin Veri & Spurii Anevrysmatis multis exponere, cum ex modo dictis illa facile formari queat, nec Signa fusius enumeranda erunt, quibus ab aliis tumoribus v. g. Ecchymomate, Varice, nodis tendinum, ganglio &c. distingui solent; in nullo enim alio tumore singula illa occurrunt, quæ in tumoribus Anevrysmaticis reperiuntur. Differentia *magnitudinis & figuræ* tanti momenti non est; *majoris* vero, quando ramum arteriæ *majorem* vel *minorem*, vel partem corporis *internam*, vel *externam* occupat. *Simplex* Anevryisma dicitur, quod partibus *vicinis* nullum adhuc detrimentum intulit; *Complicatum* vero, in quo sanguis jam in *stasim* & corruptionem delapsus corruptelam partibus vicinis jam communicavit. Confer. *Ruyfch. in Cent. observ. anat. obs. XXXVII & XXXVIII.*, qui ex Anevrysmate corrupto costas erosas, comminutas & friabiles factas observavit.

§. VIII.

Locus gravi huic affectui obnoxius constituit varias corporis partes, quibus vasa arteriosa intertexta sunt, ut caput, collum, pectus, spina dorfi extremitates & quæ aliæ sunt partes; qua de re magnus apud observationum collectores prostat earundem numerus, quæ ipsæmet consuli possunt. Præcipue autem ipsi subjicitur flexura cubiti ex variis perniciosis causis & mala inprimis Venæ Sectionis administratione. Sic mulieres ex partus difficilis laboribus & respiratione fortius cohibita sibi aliquando Anevrysmata, inprimis arteriæ carotidis externæ contrahunt; quale etiam nonnunquam ex intensioribus & vehementioribus vomendi conatibus observatum fuisse percepi.

§. IX.

§. IX.

Causæ, quæ Aneurysmata producere solent, commode in *Externas* & *Internas* dividuntur. *Causæ Externæ* violento ut plurimum modo utrumque Aneurysma provocant, si v. g. instrumento quodam incisorio, ut lanceola, exteriores tantum læduntur tunicae, interiori illæsa, exsurgit verum, si *omnes* vero simul læduntur *spurium* Aneurysma. Huc referri debet laceratio, distensio & contusio, cujus notabile exemplum Doctiss. *Feher in Miscell. Curios.* refert: mater enim filio hujusque sinistro capitis lateri, per quod insignis arteriæ carotidis externæ ramus movetur, plagam baculo induxerat, ex qua subito ortum est Aneurysma, intra paucos dies ita exsurgens, ut in singularem tumorem, dimidiam ejusdem pueri capitis partem æquantem, attolleretur. Quale etiam exemplum vide in *Dissert. de Aneurysmate in capite pueri XI. annorum à Joh. Nicol. Holtorff Argentorati MDCCXII. ventilata.*

§. X.

His causis aliæ adnumerantur, aliquando enim ossa luxata, fracta, vel tumoribus, qui exosteses dicuntur, obfessa arterias vicinas comprimunt, sanguinis transitum impediunt & sic majori dilatationi & tunicarum rupturæ occasionem præbent, id quod in costarum, quibus arteriæ intercostales proxime adpositæ sunt, tumoribus & læsionibus, nec non in humeri luxatione accidere inprimis potest. Abscessuum & ulcerum sanies in variis locis, ut reliquas partes, sic etiam subjacentes arterias, emollire illarum texturam relaxare, aut etiam tunicas arrodere potest & Aneurysma relinquere, ut alias nunc taceamus. *Vid. Garengeot Traité des opérations de Chirurgie Tom. II. p. 173.*

§. XI.

Internarum Causarum magnus allegatur numerus, quæ vero plerumque ita comparatæ sunt, ut veritati haud

satisfaciant. Humor enim melancholicus, calidior corporis intemperies & quæ aliæ sunt ejusdem census causæ in generalioribus consistunt & nulla directæ aut tantæ vi & energia gaudent, qua Aneurysma provocare possint. Illi, qui peculiarem sanguinis arteriosi acrimoniam accusant & illam arteriarum tunicas corrodere & exedere existimant facilem hujus læsionis causam sibi invenisse videntur, quam tamen in imaginatione saltem subsistere & rationi & experientiæ esse contrariam sequentia probant argumenta.

§. XII.

Extra omnem dubitationem enim positum est, sanguinem, non ut veteres sibi imaginati sunt, in vasis corporis nostri stagnare, sed perpetuo motu, illoque velocissimo, in arteriis mediante cordis pulsu agitari, sub quo celeriori transitu fieri non potest, ut acrimoniarum locus concedatur vasa, illorumque, inprimis arteriarum, tunicas adgrediendi illasque erodendi. Talis erosio etiam, si a vera acrimonia & particulis salinis oriri posset, teneriores potius partes & arteriolarum extremitates pulposas lædere deberet, quam vasa majora & firmiori textura prædita. Arteriarum etiam in casibus Chirurgicis satis magna observatur tenacitas, quippe quæ quandoque nec digestivis, nec fortioribus suppurantibus invulnere & ulcerum tractatione cedunt, cum tamen talia remedia exterius proxime applicita majori sane virtute partes colliquandi & consumendi gaudeant, quam sanguis celerrimo & perpetuo motu agitur.

§. XIII.

Probabilior vero & veritati magis consona est illorum sententia, qui plethoram & sanguinis spissitudinem accusant, inprimis si sanguis, animi pathematibus, potuum spirituosorum abusu, corporis motu nimio, celeriori inprimis cursu commotus & in arteriarum partem, quocunque

cunque modo debilitatam, atque elatere suo ac tono aliquantisper destitutam, appulsus fuerit.

§. XIV.

Causis internis quidam etiam adnumerant polypum, in casu illo singulari, quando Aneurysma post mortem in carotide, arteria pulmonali, vel ipsa etiam aorta deprehensum fuit, in quibus sanguis in libero suo progressu impeditus propter molem polyposam vi aliqua propellitur, hinc pars arteriæ polypo opposita distenditur, relaxatur & sic Aneurysma oritur. Hujus rei multa adducere possem exempla; sufficiant notatu illa dignissima, quæ occurrunt in *Appendice Ephemer. german. Anno I. Dec. III. & Mangeti Theatr. Anatom. ex recensione Dn. Bianchi Libr. I. Cap. VIII. p. 193.*

§. XV.

Omne itaque Verum Aneurysma præsupponit atoniam interioris cujusdam arteriæ tunicæ, quando exteriores, incisæ & vulneratæ, vel alio modo læsæ fuerint tunicæ, ubi propter continuum fortiolemque sanguinis arteriosi appulsus tunica interior successive magis magisque distenditur & relaxatur, donec tamen exteriores, nisi incisæ fuerint, utpote interna musculari tenuiores & debiliores rumpuntur, ut sic interna firmior, quæque propter fibras musculosas magis distendi & extenuari potest, spatium sese extendendi & dilatandi nanciscatur & herniam quasi per reliquas tunicas protuberantem constituat.

§. XVI.

Alii & ex auctoribus plurimi alium hujus rei modum sibi concipiunt, existimantes interiores arteriæ tunicas per vehementem sanguinis fortiter circulantis appulsus prius dirumpi & exteriores dilatari; aut si incisione vel alia violentia omnes simul arteriæ tunicæ læsæ fuerint (qua læsione Aneurysma spurium constituitur) exteriores

res tunicas citius consolidari, quam interiorem. Quæ quidem communior est sententia, sed rationi non æque ac prior congrua mihi videtur; interior enim musculo-fa tunica & reliquis fortior est & ex fibris musculosis contexta, hinc propter firmiorem texturam resistere; propter fibras musculosas sese extendere & propter easdem, si læsa fuerit, citius consolidari potest.

§. XVII.

Progredior jam ad *Pregnosin*, quæ votis haud semper respondet; nam tantum negotii & laboris exhibent chirurgo Aneurysmata, ut omnes fere reliquos tumores difficultate superent. Interim tamen Aneurysmata Vera minora, in minoribus præcipue arteriarum partium externarum ramificationibus facilius sanantur; appulsus enim floridi sanguinis ad tempus corruptioni resistit: deinde rationi convenit dilatatam arteriam rupta commodius curam admittere. Majora vero, inveterata & in majoribus ramificationibus v.g. arteria carotide, axillari & crurali occurrentia difficillimæ vel nullius plane medelæ existunt. Spuria, majora quam Vera inferunt pericula, ad insignem enim molem excrescunt & si non statim abeunt in corruptionem sphacelofam, cum hæc a sanguine præterfluente aliquandiu arceatur, facile tamen oriri potest corruptio salsa acris, qua partes adjacentes tandem corroduuntur *conf. §. VII.*

§. XVIII.

Curam Aneurysmatis priusquam adgredior, placet paucis quorundam medicorum & chirurgorum methodum perlustrare, qua periculoso huic affectui medelam ferre tentarunt. Postquam enim sibi persuaserunt, hunc affectum, sua sponte ortum, dependere a dilatatione, ex nimio motu ad partem, facta, omne studium in eo posuerunt, ut sanguinem derivarent & locum affectum dilatatum constringerent. Priori intentioni satisfacere debebant

bant remedia lenientia, mitiora purgantia & turgefactionem sanguinis alterantia; posteriori vero adstringentia externa; hinc multo cum studio applicabant varia ejusmodi generis emplastra & Cataplasmata; quæ quidem usu suo non destituuntur, raro tamen scopo perfecte satisfaciunt, aliquam vero, si aliis junguntur adminiculis, utilitatem præstare possunt.

§. XIX.

Unde etiam Veteres remedia pharmaceutica non sufficere cognoverunt. Hinc *Paulus Aegineta Libr. VI. de re med. cap. XXXVII. in Collect. Steph. pag. 565.* jam de incisione cogitavit, quare non incongruum erit ejusdem verba hic apponere: *Si tumor, inquit, ex apertione factus est, sectionem rectam in longitudinem cuti infligimus, deinde disparatis per hamulos labiis, velut in vasorum exsectione dicebamus, excoriantes & per apta ad hoc instrumenta a membranis repurgantes, arteriam nudabimus & acus sub ea transmissione, ac per duo fila deligatione usi, ubi prius intermediam arteriæ partem scalpello punxerimus, & quod continetur in ea evacuaverimus suppurante curatione utemur, donec deligata filorum vincula excidant.* Cum quo exacte consentit *Aëtius Tetrabiblo Serm. III. cap. X. edit. Steph. pag. 746.*

§. XX.

Alii instrumentis *compressoriis & depressoriis* levamen huic malo afferre idque penitus tollere studuerunt, nec *infelici* tentamine; siquidem sedula observatio practica usum eorundem huc usque satis comprobavit, modo illud bene observeretur, ut *opportune, perite & dextre* applicentur, ne ex minori malo gravius resultet. Illud certissimum est, curam generalem *Aneurysmatist* tradi non posse; aliud enim *compressione, ligatura & medicamentis adstringentibus* curatur, aliud *munus*: quoddam non sine
C ope-

operatione sanatur, quoddam vero *illam respuit*, & ita pro circumstantiarum varietate, curam etiam diversam instituere debet Chirurgus.

§. XXI.

Quo autem eo melius omnia, quæ Aneurysmatis curam concernunt, intelligantur & applicentur, duplicem respectum servare debemus. Omne enim Aneurysma quocunque modo ex allegatis differentiis illud se habeat est vel *Sanabile* vel *Insanabile*. Infanabilium in Prognosi jam mentio facta est, inter quæ præ aliis eminent Aneurysmata *interna*, nec non illa, quorum situs in aliquo capaci arteriæ ramo deprehenditur. Sicuti autem nulla fere regula tam firma est, quæ non patiatur exceptionem, ita etiam mihi contigit in Nosocomio Parisiensi, l'Hotel Dieu dicto, notatu dignum hujus rei exemplum videre. Miles enim gregarius cum aliis ibi decumbens discessit tandem curatus Aneurysmate Vero, non mediocris sane magnitudinis, nam dimidiam ovi anserini partem æquabat, quod in superiori arteriæ cruralis parte, ex gravi contusione factum gerebat. Non impedit vero ejusmodi singulare exemplum, quo minus illa majorum ramorum Aneurysmata, incurabilibus adnumerentur, præcipue si in regionibus deprehendantur, ubi ne amputatio quidem partis, uti in hoc subjecto, locum invenit. Ita etiam Incurabilibus quoad plurimos casus adnumeranda sunt spuria illa complicata Aneurysmata, quorum §. VII. mentio facta est, quæ rarissime laudabilem suppurationem admittunt; sed ut plurimum gangrænam, sphacelum & ejusmodi tristissimos eventus pedissequos habent; ni insolito & rarissimo modo DEO & natura ita disponente, singularis quædam partis affectæ secessio & curatio contingat.

§. XXII.

§. XXII.

Missis incurabilibus *Sanabilia* potius amplector, quæ consueto *duplici* illo operandi modo sanari possunt. Prior versatur circa *minora* præcipue Aneurysmata in *subdivisis* arteriarum ramificationibus obvia, quæ remediis *efficaciter* adstringentibus & *fasciis*, aut etiam *instrumentis compressoriis* & depressoriis optimo cum successu tolluntur. Alter vero adhibetur in Aneurysmate *Vero* & *Spurio*, cui prior & *lenior* methodus haud sufficit, ille tamen modus tunc saltem admitti potest, quando vitium non arteriæ ramum majorem, sed *minorem* occupat.

§. XIII.

Paulus Aegineta l.c. majorem commendat & *peculiarem* quandam constrictionem, qua Aneurysma *deligatione* curari possit. Suadet enim, si ex arteriæ ruptione dilatatio facta fuerit, totum ipsum, quantum ejus fieri potest, una cum cute digitis prehendere, deinde acum infra apprehensam trajicere, quæ duplex filum trahat: & post trajectionem, ipsam duplicis fili ansam dissecare, & sic per duo fila tumorem hac illac deligare, veluti de staphylomate dixerat. Sed hoc mihi dictu facilius, factu vero difficilius & hodiernis moribus ac probatis methodis minus conforme esse videtur propter certissimam stasin & sphacelosam putrefactionem inde metuentam. Securior vero & longe mitior ille modus est, qui *machinis* aptis ferro aliquo *depressorio* instructis, ita ut in dies pars affecta sola magis comprimatur, rem perficit; qualem machinam ferream vide in *Sculteti armamentario chirurgico Tab. XVIII. num. 4.*

§. XXIV.

Non minorem. quin rectius magis concinnam magisque artificiosam, ac machinæ istæ, exferunt *fasciæ* uti-

litatem convenienter & prudenter applicatæ Aneurysmati tam Vero, quam Spurio, non autem inveterato aut complicato, cujus rei veritatem sæpe numero ipsa mihi experientia comprobavit vid. §. XXI. & Nicol. Tulpii *observ. med. libr. IV. cap. 17.*; hinc sine multis ambagibus eum, quem a perito artifice didici & ab aliis observavi applicandi modum apponam.

§. XXV.

Quando ergo Aneurysma fuerit in flexura cubiti, sanguis tumorem formans *compressione digitorum* coeretur & in ipsum arteriæ ramum urgetur, quo simul a reliquo sanguine circulante abripiatur, ne corruptionem induat: deinde imposito pro circumstantiarum ratione *emplastro adstringente* splenium quadratum magnitudini Aneurysmatis exacte respondens, cui corpus aliquod durum v. g. dimidia fabeolæ, vel globuli plumbei pars, aut charta masticata, involutum est, ad locum Aneurysmatis applicatur, postea eidem superimponitur majus splenium, huic rursus majus & sic plura alia semper majora sese excipiunt, donec ad comprimendum locum affectum sufficere videantur.

§. XXVI.

Quando itaque his præmissis Chirurgus fasciam cinnam circumducere vult, ita collocatus sit necesse est, ut semper indice & medio digitis splenia fortiter & æqualiter comprimere & sic tumorem facile denuo emergentem continere queat. Utitur vero in coercendo tumore, si Aneurysma brachium dextrum ægri occupat, dextra sua manu; sinistra vero, si sinistrum brachium ægri læsum est. Arripit altera, e. gr. si brachium dextrum deligaturus sit, sinistra manu fasciam in unum volumen contortam cujus latitudo duorum vel trium transverso-

verforum digitorum, longitudo vero sex circiter ulnarum berolinensium sit. Principium fasciæ imponat inferiori humeri parti, quam duabus circumvolutionibus sese accurate excipientibus involvat, semper tamen ipsi cavendum est, ne muscoli & vasa nimis stringantur. Fascia posthac descendat & splenia supra dicta in situ suo firmare incipiat, ita tamen, ut quando illa ad digitos, qui splenia ad tumorem fortiter apprimunt, pervenit, imprimis caveat ne utrumque digitum tollat & sic tumor compressus, citius quam par est, laxetur. Primo itaque loco fasciæ imponatur index, qui hanc, ut diximus, una cum spleniis fortiter ad Aneurysma adigat, sequatur medius, qui tum prior omnia debite coercet, fasciam quoque ascendat. Ulterius descendendo pergat fascia ad cubitum usque & radius in quorum principio æque duos circulos æquales & sibi impositos describat, tertius tamen circulus paululum ad superiora inclinet, ita tamen ut prioribus maxima ex parte insideat (gallis dicitur Doloire ascendant). Quando itaque fascia ad radii Caput pervenit, illa oblique ascendit & rursus digitis tumorem continentibus supra dictum in modum comprehenditur, hoc tamen intercedit discrimen, ut, quando fascia ad superiora movetur, prius levetur medius & hoc demum quiescente index. Ad superiores itaque circulos usque pertingit & decussatim sibi imposita figuram Crucis Sancti Andreæ, ut loquuntur, similem describit, cuius centrum proxime & arctissime spleniis & ipsi Aneurysmati incumbat. In parte suprema novus fit circuitus, qui paululum declinat (doloire descendant) & sic eundem in modum circumvolutio descendens & ascendens bis adhuc repetitur, ut sic fascia per centrum & supra splenia & ipsum Aneurysma accurate sibi imposita sexies moveatur. De circulis autem

humerum & brachium ambientibus tenendum est illos semper aliquantum modo supra dicto (par doloires) versus inferiora, hos vero versus superiora vergere. Tandem quod fasciæ reliquum est, aliis usibus inseruit. Nempe quo irruentis per arterias sanguinis impetus paululum coërceatur, splenium oblongum, multiplex imponitur internæ humeri parti, quam fascia in cochleam serpens (par mouffe) firmat, cujus terminus tandem acu assuatur. Hoc enim splenium sic debite applicitum efficit, ne majori strictura ipsius Aneurysmatis opus sit, ex qua facile dolor, inflammatio & gangræna nascitur.

§. XXVII.

Facta igitur decenti Fasciatione Vena statim *largiter* pro subjecti *viribus* in parte *opposita* *secunda* est, eum in finem, ut sanguini sufficiens circulandi spatium concedatur & varia santicum hunc affectum concomitari solita *symptomata* præscindantur.

§. XXVIII.

Alvum esse liberam oportet, obstructiones enim commotionibus & orgasmis sanguinis favent, quæ vero in hoc affectu multum nocere possunt. Haud vero ad alvum liberam servandam conducunt purgantia fortiora, sed *lenientia* potius & mitiora laxantia, ut Dct. prunorum dulc. c. cass. tamarind. &c. Mannata, Rhabarbarina, Paf-fulata Clyster. emoll. & quæ ejusmodi generis alia sunt. Scio quidem esse, qui purgantibus Aneurysma curandum putant & exempla, quibus hoc probare volunt, allegant, sed rariores tales casus vix in methodo medendi imitari debemus, cum talis cura non omni periculo careat.

§. XXX.

§. XXIX.

Quodsi vero hæc fuerit Aneurysmatis conditio, ut *leniori* huic modo cedere *nolit*, perspiciendum est, an operatio chirurgica tamquam cura Aneurysmatis *efficacissima* locum invenire possit. Conceditur autem operatio, quando Aneurysma hæret in quadam *subdivisa* arteriæ ramificatione, e. gr. ramus arteriæ axillaris in quibusdam subjectis dividitur supra cubiti flexuram, in aliis vero infra eandem. Si ergo ex V. S. aut alio modo ortum fuerit Aneurysma in flexura cubiti, chirurgus ante operationem instituendam certus esse debet de hac circumstantia; existente enim Aneurysmate in ramo ipso axillari ad amputationem potius quam ad Aneurysmatis operationem refugiendum est: arteria enim ligata tota pars, ut sanguine destituta, vita privatur. Id vero, ut alia taceamus cognoscitur ex pulsus exploratione in utroque brachio facta, si enim pulsus in utroque æqualis est, præbet indicium Aneurysma hærere in ipso trunco, inæqualis vero si existit indicat læsam saltem quandam trunci ramificationem.

§. XXX.

Certior ergo per hæc signa factus Chirurgus de necessitate & possibilitate operationis, ante omnia, si temporis ratio id permittit, corpus subjecti rite præparare debet, repurgando primas vias, ex iisque educendo impuritates. Sanguis si turget temperantibus sedandus, vel plane mittendus est, ne ipsius abundantia operationem reddat difficiliorem.

§. XXXI.

Corpore sic præparato, operatio ipsa est sequenti modo instituenda. Primo ne sanguis multa vi magna-
quan-

quantitate proficiens operatori impedimento sit & ægrum viribus exhauriat, circumdatur humerus splenio multiplici, i. e. quintuplo vel sextuplo; fascia sericea vel lintea duplici circulo ambit illud splenium, cujus fasciæ extremitates exterius nodo firmantur. Inter fasciam & splenium immittitur lignum rotundum versatile (Gallis Tourniquet dictum) cui subicitur charta densa vel corium ne, quando illud versatile lignum circumagitur, partes sub eodem vellicentur. Eo ergo in gyrum ducto ligamen coarctatur eoque & stupor partibus inducitur & simul etiam hæmorrhagia violenta impeditur. Loco huius instrumenti compressorii quidam veterum traxe-
runt in carnes aciem, cum filo cerato valido supra Aneurysina & applicatis spleniis crassis instituunt ligaturam. Sed hic sanguinem cohibendi modus utpote crudelis hodie merito negligitur. Aliam & novam machinam invenit pro comprimendis partibus Chirurgus Parisiensis & Academiæ Regiæ scientiarum socius Petit, cujus descriptionem vide in *Memoires de l'Academie Royale des sciences An 1718. p. 252. Vid. Garengot Nouveau Traité des instruments de chirurgie pag. 162.*

§. XXXII.

Quando itaque chirurgus his adminiculis sanguinis impetum cohibuit, aperit saccum aneurysmatis in longitudinem, sequendo arteriæ decursum Scalpello quodam apto, bistouri dicto, cavendo ne nervus aliaque vasa lædantur. In Spurio Aneurysmate ligamen paululum relaxatur ad cognoscendum hæmorrhagiæ fontem; post disse-
care incipit & arteriam Aneurysmate affectam ab aliis vasculis & præcipue nervo separare, separata arteria hamulo elevatur, ut acus obtusa, tribus filis ceratis instru-
cta, eo commodius sub arteria transmitti queat. Fi-
la eo

la eo ordine disponuntur, ut primum ponatur in parte vulneris suprema; sequitur alterum itidem adhuc supra vulnus arteriæ positum; tertium vero infra illud collocetur. Alterum filum est ordine prius, quod ligatur, deinde tertium. Hoc facto instrumentum compressorium (Tourniquet) in Aneurysmate spurio paululum laxatur, ut artifex de ligatura sua, num bene facta sit, certus fiat. Sanguis in Aneurysmate vero secundum aliquos infra deprimitur, vel secundum alios Aneurysma aperitur & sanguis contentus emittitur. Illud filum in parte vulneris suprema hærens non ligatur, sed illi necessitati reservatur, quando sanguinis impulsus priorum duorum filorum resistantiam superavit. Extremitates fili ejus ita disponuntur, ut ad partem superiorem extra vulnus hæreant & hæmorrhagiâ ortâ mox arctius constringi queant.

§. XXXIII.

Quibusdam moris est, ut arteriam læsam penitus excindant, sed tutius est eam conservare; nam filum, quod prope arteriæ aperturam constrictum est, facile incepta suppuratione decidit & ita novam hæmorrhagiam causari potest; per suppurationem etiam reliqua arteriæ pars absumitur, ut ita non opus sit tali excissione.

§. XXXIV.

Ligata igitur decenter arteria instrumentum illud compressorium omnino laxatur ad cognoscendum, num ligaturæ bene institutæ fuerint; ad arteriam vero tres parvi teretes plumaceoli ponuntur: duo ad ejus latera, & unum supra eandem. Sequuntur jam plumaceoli tres oblongi, magnitudine diversi, minor est ordine primus,

D

major

major secundus & deinde maximus, reliqua vulneris pars etiam plumaceolis impletur, qui omnes spiritu vini optimo, vel alio convenienti liquore imbui possunt. Plumaceolos obtegit emplastrum & hoc excipit splenium duplicatum circum circa cubiti articulum describens, sequitur aliud splenium in quadam extremitate incisum, pars splenii non incisa parti vulneratæ applicatur, extremitates vero incisæ in circum ducuntur, finem denique imponit fasciatio ea ratione instituenta ac modo eam descripsi & in ambitu defensiva discutia applicantur.

§. XXXV.

Alii aliter agunt & loco ligaturæ adstringentibus rem æque perficiendam credunt. Illud commune cum superius descripta methodo habent, quod etiam instrumento illo compressorio ad sanguinem sistendum utantur: deinde aperto Aneurysmate, sanguinem ex eo emittunt, vulnus abstergunt & accurate vulneri arteriæ admovent globulum Vitrioli Cypr. ad albed. calcinat. linteo carpto involuti, ea magnitudine, qualis aperturæ convenit. Vulnus repletur mixtura ex thur. mastich. & Colophon. ad vulneris labia imponunt plumaceolos digestivo quodam illinitos & denique applicant fasciam arcte constrictam. Si globulus ille decidit & hæmorrhagia recrudesceat, alius applicatur, usque dum scopum suum obtineant. *Vid. Mangeti Bibliothec. Chirurg. Tom. I. pag. 97.*

§. XXXVI.

Fateor hanc procedendi rationem, ea, quæ per arteriæ ligaturam sanguinem cohibet, faciliorem esse & jucun-

jucundiores, sed quilibet etiam facillime perspiciet, ligaturam tamen, si recte instituitur, ipsi esse præferendam propter certitudinem, quam promittit artifice, novam hæmorrhagiam non ita facile extimescendam esse, aut si forsan impulsus sanguinis robur unius fli superat, superius tamen statim in promptu est, ut quolibet momento arctius constringi possit.

§. XXXVII.

Consultum est deligationem per duos vel tres dies non solvere, quo suppuratio eo melius incipiat & succedat & si diebus illis præterlapsis solvitur, inferiores plumaceoli vulnere firmiter adhuc inhærentes non sunt auferendi. Brachium non debet esse neque nimium inflexum, neque nimium extensum & manus cubito elatior pulvinari imponenda, nec multum movenda est, nisi post octo vel decem dierum spatium, ubi modestus brachii motus non interdicens, sed utilis potius est, ne eidem incommoda quædam rigens & movendi impotentia inducatur.

§. XXXIIX.

Venæ sectio, si ægri vires permittunt, post operationem est instituenda, considerari enim debet, circulum sanguinis esse turbatum & in aliqua corporis parte interceptum, hinc accedentibus insuper animi pathematibus, quæ raro abesse solent, negotio facillimo commotiones febriles non melioris notæ introducuntur.

§. XXXIX.

In diæta omnia illa fugienda sunt, quæ sanguinem
com-

commovent & potius ea seligenda, quæ ejus nimiam subtilitatem & agilitatem infringunt. Hinc motus voluntarius corporis fit etiam moderatus, imò post operationem factam tranquillitas per aliquod tempus observetur. Temperantia remedia simul in usum vocentur & lenia diaphoretica æqualem sanguinis distributionem promoventia. Alvus servetur libera & reliquæ excretionem sufficienter succedant, oppressæ vero non stimulentur remediis fortioribus, sed moderamine quodam omnia ita peragantur, ut sanitas ægro concilietur, quæ totius est operationis

F I N I S.

